



# JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575  
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj; 32-02-6650/22  
Zenica, 20.09.2022. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

## ODLUKU

### I

Vrši se odabir ponude ponuđača "HERCEGOVINALIJEK" DOO MOSTAR, kao najpovoljnije za javnu nabavku robe, **kontrastna sredstva za MRI, gadoterična kiselina** za potrebe JU Kantonalna bolnica Zenica (otvoreni postupak javne nabavke, uz namjeru provođenja e-aukcije, tender broj:11-58/22), sa najpovoljnijom ukupno ponuđenom cijenom od **51.860,00 KM, bez PDV-a**, na dvogodišnjem nivou, i dodjeljuje okvirni sporazum odabranom ponuđaču.

Sa odabranim ponuđačem zaključice se okvirni sporazum na period od 2 (dvije) godine, nakon proteka roka od 15 (petnaest) dana od dana kada su svi učesnici obaviješteni o ovoj odluci, i to na ukupan iznos ponude od **51.860,00 KM, bez PDV**, na dvogodišnjem nivou.

U cilju olakšavanja i adekvatnog praćenja realizacije predmetne nabavke poziva se najpovoljniji ponuđač da dostavi novi obrazac za cijenu ponude, čija će ukupna cijena, kao i jedinična cijena po stavkama biti umanjena za **55,95 %** (procenat za koji je snižena cijena u e-aukciji), kako bi obrazac za cijenu ponude, koji je sastavni dio okvirnog sporazuma, bio usklađen sa postignutom cijenom nakon provedene e-aukcije.

### II

Javna nabavka je provedena putem otvorenog postupka, uz namjeru provođenja e-aukcije, tender broj: 11-58/22.

### III

Ova odluka stupa na snagu danom donošenja.

### Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku robe - Kontrastna sredstva za MRI-gadoterična kiselina za potrebe JU Kantonalna bolnica Zenica, imenovana Odlukom direktora broj: 01-02-361-1/22 od 20.05.2022. godine, podnosi direktoru JU Kantonalna bolnica Zenica Izvještaj o provedenom postupku javne nabavke robe - Kontrastna sredstva za MRI-gadoterična kiselina za potrebe JU Kantonalna bolnica Zenica.

Odlukom direktora broj 01-02-361/22 od 20.05.2022. godine pokrenut je postupak javne nabavke robe - Kontrastna sredstva za MRI-gadoterična kiselina za potrebe JU Kantonalna bolnica Zenica, ukupne procijenjene vrijednosti 117.750,00 KM bez PDV-a na dvogodišnjem nivou, otvorenim postupkom, a u skladu sa članom 19. st.1 Zakona o javnim nabavkama.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku robe - Kontrastna sredstva za MRI-gadoterična kiselina za potrebe JU Kantonalna bolnica Zenica

Komisija je na zatvorenom sastanku dana 16.09.2022.godine sa početkom u 12,00 sati utvrdila sljedeće:

1. analiza ponuda, njihove ocjene i poredjenja u skladu sa utvrdjenim kriterijima, te utvrđivanje prijedloga najpovoljnije ponude u skladu sa Rješenjem Ureda za razmatranje žalbi BiH, broj: JN2-03-07-1-1969-9/22 od 02.09.2022.g.

**Komisija je utvrdila sljedeće:**

- da je na portalu „E-nabavke“ dana 31.05.2022. godine, objavljeno je obavješene o nabavci broj 669-1-1-187-3-177/22 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 22.06.2022. godine,
- da na portalu E-nabavke nije bilo upita vezano za TD predmetne nabavke,
- da se namjerava zaključiti okvirni sporazum sa jednim ponuđačem na period od 2 (dvije) godine,
- da je javno otvaranje ponuda bilo dana 22.06.2022. godine u 10,00 sati,
- da na javnom otvaranju ponuda nije bilo prisutnih predstavnika ponuđača,
- da je sa portala „E-nabavke“ tendersku dokumentaciju objavljenu 13.05.2022. godine, preuzelo ukupno 8 (osam) potencijalnih ponuđača,
- Da je na tender broj 11-58/22, u predviđenom roku pristiglo ukupno 2 (dvije) ponude i to ponuda ponuđača:

1. „FARMACIJA 2011“ D.O.O. BIHAĆ
2. „HERCEGOVINALIJEK“ D.O.O. MOSTAR

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Naziv ponuđača	Najniža cijena tehnički zadovoljavajuće ponude
„FARMACIJA 2011“ D.O.O. BIHAĆ	Ukupna cijena ponude (bez PDV-a): <b>114.799,20 KM</b>
„HERCEGOVINALIJEK“ D.O.O. MOSTAR	Ukupna cijena ponude (bez PDV-a): <b>117.720,00 KM</b>

**NAPOMENA:** Ponuđač je dostavio kopije ponuda koje je preuzela predsjednica Komisije i o kojima će se ista izjasniti pismeno nakon što pregleda isto.

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

#### **USLOVI ZA KVALIFIKACIJU**

**Ponuđač je dužan u svrhu dokazivanja lične sposobnosti iz člana 45. ZJN BIH dokazati da :**

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

**Ponuđač je dužan u svrhu dokazivanja profesionalne djelatnosti iz člana 46. ZJN BiH dokazati da je:**

a) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom.

b) upisan u registar veletrgovaca prometa lijekova kod Agencije za lijekove i medicinska sredstva BiH

U svrhu dokazivanja uslova iz tačke a) ponuđač je dužan dostaviti:

- Rješenje o upisu u sudski registra ili Aktuelni sudski izvudak iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti.

U svrhu dokazivanja uslova iz tačke b) ponuđač je dostaviti:

- Važeću dozvolu za promet lijekovima na teritoriji Bosne i Hercegovine koju je izdala Agencija za lijekove i medicinska sredstva BiH.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmetne nabavke.

Ponuđač je dužan dostaviti navedene dokaze uz ponudu u kopiji.

Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenom kopiji od strane nadležne institucije u roku od 7 /sedam/ dana od dana zaprimanja obavještenja o rezultatima ovog postupka javne nabavke.

**Ponuđač je dužan u svrhu dokazivanja ekonomsko i finansijske sposobnosti kandidata iz člana 47. ZJN BiH dokazati da:**

**a) Da je glavni transakcijski bankarski račun ponuđača aktivan i solventan**

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga broj 4. TD, koja ne smije biti starija od 3 (tri) mjeseca od dana predaje ponude i dostavljanje;
- potvrda banke ponuđača (ili neke druge finansijske ustanove npr Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

**Ponuđač je dužan u svrhu dokazivanja tehničke i profesionalne sposobnosti iz člana 48. i 49. ZJN BiH dokazati da:**

- a)** da su lijekovi koje nudi registrovani kod Agencije za lijekove i medicinska sredstva BiH.
- b)** da ponudjeni lijekovi posjeduju odgovarajuće uvjerenje ili certifikate o kvalitetu izdato od strane organa ovlaštenog za verifikaciju proizvođača (samo ukoliko lijekova traženih javnom nabavkom nema upisanih u registru sredstava kod Agencije za lijekove i medicinska sredstva BiH)

U svrhu dokazivanja uslova iz tačke a) ponuđač je dužan dostaviti:

- obične kopije važećeg dokumenata-rješenja Agencije za lijekove i medicinska sredstva BiH o upisu medicinskih sredstava u Registar lijekova i medicinskih sredstava u Bosni i Hercegovini.

U svrhu dokazivanja uslova iz tačke b) ponuđač je dužan dostaviti:

- EC -Certifikat o uskladenosti ili izjave proizvođača o uskladenosti ponudjenog lijeka s evropskom direktivom (Declaration of Conformity), obična kopija, ili certifikate o kvaliteti, i izjava ponudjača da će uz isporuku lijeka dostaviti ovjerenu kopiju saglasnosti za uvoz lijeka izdatog od strane Agencije za lijekove i medicinska sredstva BiH (originalan dokument).

**NAPOMENA: Primjena uslova za dokazivanja tehničke sposobnosti kandidata pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-lijekova upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016.g. Za ponuđače koji ponude medicinsko sredstvo-lijek upisan u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b). Ponudena medicinska sredstva-lijekovi koja nisu registrovana od strane Agencije za lijekove i medicinska sredstva smatrat će se prihvatljivim samo ukoliko na tržištu BiH nema registrovanih medicinskih sredstava istog generičkog sastava i ukoliko ista ne budu ponudena. Neregistrovana medicinska sredstva-lijekovi će se nabavljati po proceduri i uvjetima utvrđenim Pravilnikom o uslovima za uvoz lijekova i medicinskih sredstava koji nemaju dozvolu za stavljanje u promet u BiH (Službeni glasnik BiH broj 23/11).**

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

**Izjave ponuđača o uslovima isporuke predmetne robe koje čine sastavni dio ponude:**

U vezi sa uslovima isporuke ponuđač je dužan dostaviti uz zahtjev za učešće dostavi i slijedeće izjave (potpisane od strane ovlašten osobe ponuđača sa pečatom ponuđača):

- Izjava ponuđača o prihvatanju roka plaćanja, da će se plaćanje za isporučenu robu vršiti bezavansno u roku od 60 /šezdeset/ dana od dana prijema fakture na protokol ugovornog organa u skladu sa tačkom 32. TD

- Izjava ponuđača o roku isporuke koji se vrši prema potrebama ugovornog organa, započevši najranije nakon potpisivanja okvirnog sporazuma i vrši se najkasnije u roku od 7 /sedam/ dana od dana slanja elektronske narudžbenice ugovornog organa u skladu sa tačkom 11. TD,
- Izjava ponuđača o mjestu isporuke-JU Kantonalna bolnica Zenica-Bolnička apoteka u skladu sa tačkom 10. TD,
- Izjava ponuđača da će kao izabrani ponuđač u roku od 5 (pet) dana od dana izvršene e-aukcije, Ugovornom organu dostaviti umanjenje cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije.
- Izjava kandidata da prihvata elektronsk korespodenciju sa Ugovornim organom u vezi dostave narudžbenica,
- Izjava ponuđača da će naručioca snabdijevati lijekovima registrovanim kod Agencije za lijekove i medicinska sredstva BiH, u svemu prema datoj ponudi, uvijek istog i provjerenog kvaliteta, sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima.
- Izjava ponuđača da će nakon izbora na službeni mail ugovornog organa dostaviti elektronski popunjen obrazac za cijenu ponude, u WORD DOCUMENT, Prilog broj 2,
- Izjava ponuđača daje rok važenja ponude 120 (stodvadeset) dana u skladu sa tačkom 22. TD,
- Izjava ponuđača o nepromjenjivosti cijena za vrijeme trajanja okvirnog sporazuma
- Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude.

### PODACI O PONUDI-Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

#### Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude, **Prilog broj 1 TD** (uredno popunjen, potpisan i ovjeren od strane ponuđača)
- c) Obrazac za cijenu ponude, **Prilog broj 2 TD** (uredno popunjen, potpisan i ovjeren od strane ponuđača)
- d) Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH, **Prilog broj 3**, ovjerena od strane nadležnog organa, u skladu sa tačkom 12.1. TD
- e) Dokumentacija o ispunjavanju uslova iz člana 46. ZJN BiH a koja je u skladu sa tačkom 12.2. TD
- f) Izjava o ispunjenosti uslova iz člana 47. stav (1) tačkaka od a) do d) Zakona o javnim nabavkama, **Prilog broj 4**, u skladu sa tačkom 12.3. TD;
- g) Dokumentacija kojom ponuđač dokazuje tehničku i profesionalnu sposobnost iz člana 48. i 49. ZJN BiH, u skladu sa tačkom 11.4. TD
- h) Ovjerene i potpisane izjave ponuđača u skladu sa tačkom 12.5. TD
- i) Pismena izjava ponuđača iz člana 52. Zakona o javnim nabavkama, **Prilog broj 5 TD**, ovjerena od strane nadležnog organa,
- j) Obrazac povjerljive informacije, **Prilog broj 6 TD**, uredno popunjen, potpisan i ovjeren od strane ponuđača,
- k) Obrazac izjave o prihvatanju općih i posebnih uslova tenderske dokumentacije, **Prilog broj 7 TD**, uredno popunjena, potpisana i ovjerena od strane ponuđača,
- l) Potpisan, popunjen i ovjeren nacrt okvirnog sporazuma od strane ponuđača, **Prilog broj 8 TD**,
- m) Obrazac izjave o dostavi garancije za uredno izvršenje okvirnog sporazuma, **Prilog broj 9 TD**, uredno popunjen, potpisan i ovjeren od strane ponuđača,
- n) Obrazac bezuslovne bankarske garancije za izvršenje okvirnog sporazuma, **Prilog broj 10 TD** (samo ukoliko se odlučio za bankarsku garanciju kao vid obezbjeđenja okvirnog sporazuma)
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

**Komisija koja provodi predmetnu javnu nabavku konstatuje da je ponuđač „FARMACIJA 2011“ D.O.O. BIHAĆ, uz ponudu za nabavku robe: Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke uz namjeru provođenja e-aukcije, tender broj: 11-58/22), dostavio sljedeće dokumente:**

- Specifikacija kvalifikacionih-općih dokumenata za **LOT br.1**, na memorandumu ponuđača, potpisana i ovjerena od strane ovlaštene osobe ponuđača
- Obrazac za dostavljanje ponude za **LOT 1, Prilog broj 1**, popunjen, potpisan i ovjeren od strane ovlaštene osobe ponuđača
- Obrazac za cijenu ponude, **Prilog broj 2**, popunjen, potpisan i ovjeren od strane ovlaštene osobe ponuđača
- Rješenje Agencije za lijekove i medicinska sredstva BiH broj: 04-07.3-1-2931/18 od 24.09.2018. godine, o stavljanju u promet gotovog lijeka (LOT 1 st.1), sa rokom važenja do 23.09.2023. godine, kopija potpisana i ovjerena od strane ovlaštene osobe ponuđača
- Rješenje Agencije za lijekove i medicinska sredstva BiH broj: 04-07.3-1-2930/18 od 24.09.2018. godine, o stavljanju u promet gotovog lijeka (LOT 1 st.2), sa rokom važenja do 23.09.2023. godine, kopija potpisana i ovjerena od strane ovlaštene osobe ponuđača
- Rješenje Agencije za lijekove i medicinska sredstva BiH broj: 04-07.3-1-2929/18 od 24.09.2018. godine, o stavljanju u promet gotovog lijeka (LOT 1 st.3), sa rokom važenja do 23.09.2023. godine, kopija potpisana i ovjerena od strane ovlaštene osobe ponuđača
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, **Prilog broj 3**, popunjena, potpisana i ovjerena od strane ovlaštene osobe ponuđača i ovjerena kod notara dana 07.06.2022. godine
- Aktuelni izvod iz sudskog registra Općinski sud u Bihaću, od 31.03.2022. godine, kopija ovjerena kod notara dana 07.06.2022.godine
- Rješenje Agencije za lijekove i medicinska sredstva BiH broj: 10-07.-12-5-11482-2/21 od 03.12.2021. godine kojim se ponuđaču odobrava obavljanje djelatnosti prometa lijekova na veliko, zaključno sa danom 02.12.2026. godine, kopija ovjerena kod notara dana 07.06.2022.godine
- Izjava o ispunjenosti uslova iz člana 47. stav (1) tačaka od a) do d) i (4) ZJN, **Prilog broj 4**, popunjena, potpisana i ovjerena od strane ovlaštene osobe ponuđača
- Pismena izjava iz člana 52. Zakona o javnim nabavkama, **Prilog broj 5**, popunjena, potpisana i ovjerena od strane ovlaštene osobe ponuđača i ovjerena kod notara dana 07.06.2022.godine
- Povjerljive informacije, **Prilog broj 6**, potpisano i ovjereno od strane ovlaštene osobe ponuđača
- Obrazac izjave o prihvatanju općih i posebnih uslova TD, **Prilog broj 7**, od 13.06.2022. godine, popunjen, potpisan i ovjeren od strane ovlaštene osobe ponuđača
- Nacrt okvirnog sporazuma, **Prilog broj 8**, popunjen, potpisan i ovjeren od strane ovlaštene osobe ponuđača
- Obrazac izjave o dostavi garancije za uredno izvršenje ugovora, **Prilog broj 9**, popunjen, potpisan i ovjeren od strane ovlaštene osobe ponuđača
- Potvrda izdata od Sparkasse Bank dd BiH dana 09.06.2022. godine, kojom potvrđuju da glavni transakcijski račun ponuđača nije bio blokiran u posljednjih 12 (dvanaest) mjeseci, original dokument
- Izjava ponuđača da prihvata bezavansno plaćanje sa odgodom od 60 (šezdeset) dana od dana ispostave fakture i isporuke robe, potpisana i ovjerena od strane ovlaštene osobe ponuđača
- Izjava ponuđača da će vršiti isporuku robe prema potrebama ugovornog organa, započevši najranije nakon potpisivanja okvirnog sporazuma i vrši se najkasnije u roku 7 (sedam) dana od dana slanja narudžbe ugovornog organa, u skladu sa tačkom 11. TD, potpisana i ovjerena od strane ovlaštene osobe ponuđača
- Izjava ponuđača da će vršiti isporuku robe u JU Kantonalna bolnica Zenica - Bolnička apoteka u skladu sa tačkom 10. TD, potpisana i ovjerena od strane ovlaštene osobe ponuđača
- Izjava ponuđača da će u roku od 5 (pet) dana od izvršene e-aukcije dostaviti umanjene cijene po stavkama iz Obrasca za cijenu ponude (na Obrascu za cijenu ponude) za isti procenat koliko iznosi konačno procentualno umanjenje ukupne cijene postignute nakon e aukcije, u slučaju da budu izabrani kao najpovoljniji ponuđač, potpisana i ovjerena od strane ovlaštene osobe ponuđača
- Izjava ponuđača da prihvata elektronsku korespondenciju sa Ugovornim organom u vezi dostave narudžbenice, potpisana i ovjerena od strane ovlaštene osobe ponuđača
- Izjava ponuđača da se obavezuje da će rok upotrebe ponuđenih lijekova registriranih kod ALMBiH, u svemu prema datoj ponudi, uvijek istog i provjerenog kvaliteta, u vrijeme isporuke biti najmanje 70% njihovog cjelokupnog roka upotrebe, a koji će biti označen u skladu sa članom 71. Zakona o lijekovima i medicinskim sredstvima, potpisana i ovjerena od strane ovlaštene osobe ponuđača
- Izjava ponuđača da će nakon izbora dostaviti elektronski popunjen obrazac za cijenu ponude (Prilog br. 2), u Word dokumentu na e-mail adresu ugovornog organa, potpisana i ovjerena od strane ovlaštene osobe ponuđača

- Izjava ponuđača da njihova ponuda važi 120 (stotinudvadeset) dana od zadnjeg roka za dostavu ponude-22.06.2022. g., u skladu sa tačkom 22 TD, potpisana i ovjerena od strane ovlaštene osobe ponuđača
- Izjava ponuđača da kao ponuđač neće vršiti promjenu cijena za vrijeme trajanja okvirnog sporazuma, potpisana i ovjerena od strane ovlaštene osobe ponuđača
- Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njihove ponude, potpisana i ovjerena od strane ovlaštene osobe ponuđača
- 1 (jedna) kopija ponude

**Analizom ponude ponuđača „FARMACIJA 2011“ D.O.O. BIHAĆ, Komisija koja provodi predmetnu javnu nabavku robe: Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke, uz namjeru provođenja e-aukcije, tender broj: 11-58/22), utvrdila je da je dostavljena ponuda uvezana i numerisana na način propisan TD, da je ponuđač dostavio „ORIGINAL“ i „KOPIJU“ ponude kako je traženo TD u skladu sa tačkom 14.TD, da je imenovani dostavio tražene dokumente, obrasce, izjave, ovjere od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „FARMACIJA 2011“ D.O.O. BIHAĆ, ispunjava uslove u pogledu:**

- lične sposobnosti ponuđača iz člana 45. ZJN BiH, u skladu sa tačkom 12.1. TD,
- profesionalne djelatnosti ponuđača iz člana 46. ZJN BiH, u skladu sa tačkom 12.2. TD,
- ekonomsko-finansijske sposobnosti ponuđača iz člana 47. ZJN BiH, u skladu sa tačkom 12.3. TD,
- tehničke i profesionalne sposobnosti ponuđača, iz člana 48. i 49. ZJN BiH, u skladu sa tačkom 12.4. TD,
- te dostavio sve tražene izjave ponuđača u skladu sa tačkom 12.5. TD, koje čine sastavni dio ponude.

**Komisija konstatuje da je ponuđač „FARMACIJA 2011“ D.O.O. BIHAĆ kao sastavni dio ponude dostavio u originalu ili uredno ovjerenu dokumentaciju i to: iz člana 46. ZJN BiH u skladu sa tačkom 12.2.TD, iz člana 47. ZJN BiH u skladu sa tačkom 12.3.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti neće biti dužan dostaviti navedenu dokumentaciju u originalu ili ovjerenj kopiji ponovo.**

**Komisija konstatuje da je ponuđač „FARMACIJA 2011“ D.O.O. BIHAĆ kao sastavni dio nije ponude dostavio u originalu ili uredno ovjerenu dokumentaciju i to: iz člana 45. ZJN BiH u skladu sa tačkom 12.1.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti će biti dužan dostaviti navedenu dokumentaciju u originalu ili ovjerenj kopiji u roku od 7 (sedam) dana od dana zaprimanja obavještenja o rezultatima ovog postupka javne nabavke, u suprotnom smatraće se da je odustao od svoje ponude.**

Komisija je u obrazloženju poništene ožalbene odluke, konstatuje da je ponuđač „FARMACIJA 2011“ D.O.O. BIHAĆ, ponudio registrovana medicinska sredstva, ali da ponuda navedenog ponuđača ne ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD. Naime, u TD-Obrazac za cijenu ponude, Prilog 2 TD, u stavkama 1, 2 i 3, tražen je lijek-gadoterična kiselina (ATC šifra V08CA02), ampulirano pakovanje od 10, 15 i 10 ml, sa koncentracijom gadolinijuma (aktivne supstance) od 27,932 g/100 mL rastvora za sva tražena pakovanja lijeka. Ponuđač, „FARMACIJA 2011“ D.O.O. BIHAĆ, ponudio je lijek zaštićenog naziva Clariscan, koji u svom sastavu ima drugačiju koncentraciju gadolinijuma (aktivne supstance) od tražene TD. Uvidom u Rješenja Agencije za lijekove i medicinska sredstva BiH, dostavljeno u ponudi ponuđača „FARMACIJA 2011“ D.O.O. BIHAĆ (strana 7-12), utvrđeno je da ponuđeni lijek ima koncentraciju gadoteratne kiseline od 279,3 mg/ml, što preračunato u jedinicu mjere u TD iznosi 27,93 g/100ml, dok je TD traženo 27,932g/100ml. Razlika koncentracije aktivne supstance-gadolinijuma, tj. ponuđene i tražene je u iznosu od 0,002 g/100 ml. Koncentracija aktivne supstance gadolinijuma, u lijeku od 279,32, ključna je da bi se dobila tražena količina gadolinijuma oksida (9,062g) koji utječe na magnetni moment i samim time na dijagnostičku učinkovitost kontrasta pojačavanjem T1 i T2 relaksiviteta. Iz navedenog jasno se vidi, da je ponuđač ponudio lijek sa koncentracijom aktivne supstance za predmetni lijek koja je neprihvatljiva za ugovorni organ, jer ponuđač FARMACIJA 2011“ D.O.O. BIHAĆ, nije ponudio lijek u skladu sa traženim TD.

**Odlukom JU Kantonalna bolnica Zenica o izboru najpovoljnijeg ponuđača, broj:32-02-4912/22 od 30.06.2022.g., ponuda ponuđača FARMACIJA 2011“ D.O.O. BIHAĆ odbijena je kao neprihvatljiva (prema naprijed navedenom stavu Komisije), i odabrana jedina kvalifikovana prihvatljiva ponuda ponuđača HERCEGOVINALIJEK DOO MOSTAR. Na navedenu odluku uložena je žalba od strane ponuđača FARMACIJA 2011“ D.O.O. BIHAĆ, koja je kao neosnovana upućena na rješavanje prema Uredu za razmatranje žalbi BiH.**

Rješenjem Uredu za razmatranje žalbi BiH, broj: IN2-03-07-1-1969-9/22 od 02.09.2022.g. usvojena je žalba ponuđača FARMACIJA 2011" D.O.O. BIHAĆ i poništena odluka JU Kantonalna bolnica Zenica o izboru najpovoljnijeg ponuđača, broj:32-02-4912/22 od 30.06.2022.g., te predmet vraćen ugovornom organu na ponovni postupak.

Na osnovu uputa datim u naprijed navedenom Rješenju URŽ-a, Komisija je izvršila uvid u ponudu ponuđača FARMACIJA 2011" D.O.O. BIHAĆ, te utvrdila da je ponuđač FARMACIJA 2011" D.O.O. BIHAĆ, ponudio lijek istih karakteristika i iste koncentracije gadoterične kiseline kao i ponuđač HERCEGOVINALIJEK DOO MOSTAR, te da je razlika samo u zaokruživanju na jednu ili dvije decimale, što je detaljno obrazloženo u Rješenju URŽ-a, a na osnovu dostavljenih dokaza od strane žalitelja.

Prema svemu gore navedenom, obzirom da ponuda ponuđača „FARMACIJA 2011" D.O.O. BIHAĆ u predmetu nabavke robe: Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke, uz namjeru provođenja e-aukcije, tender broj: 11-58/22), u cjelosti ispunjava uslove postavljene u TD, ponuda ponuđača „FARMACIJA 2011" D.O.O. BIHAĆ, utvrđuje se kao prihvatljiva za ugovorni organ u cjelosti.

**2. Komisija koja provodi predmetnu javnu nabavku konstatuje da je ponuđač „HERCEGOVINALIJEK" D.O.O. MOSTAR, uz ponudu za nabavku robe: Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke uz namjeru provođenja e-aukcije, tender broj: 11-58/22), dostavio sljedeće dokumente:**

- Naslovna strana, original ponude
- Predmet nabavke, nabavka roba KONTRASTNA SREDSTVA ZA MRI - Gadoterična kiselina za potrebe Javne ustanove Kantonalna bolnica Zenica, potpisano i ovjereno od strane ovlaštene osobe ponuđača
- Spisak dostavljene dokumentacije, na memorandumu ponuđača, potpisan i ovjeren od strane ovlaštene osobe ponuđača
- Opšti podaci o ponuđaču, potpisano i ovjereno od strane ovlaštene osobe ponuđača
- Obrazac za dostavljanje ponude sa popisom dostavljenih dokumenata, **Prilog broj 1**, popunjen, potpisan i ovjeren od strane ovlaštene osobe ponuđača
- Obrazac za cijenu ponude, **Prilog broj 2**, popunjen, potpisan i ovjeren od strane ovlaštene osobe ponuđača
- Izjava o ispunjenosti uslova iz člana 45. stav (1) tačka od a) do d) ZJN BiH, **Prilog broj 3**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 20.06.2022. godine
- Aktuleni izvod iz sudskog registra od 27.04.2022. godine, Općinski sud u Mostaru, kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Uvjerenje izdato od Federalno ministarstvo financija-finansija, Porezna uprava-Kantonalni ured HERCEGOVAČKO NERETVANSKOG KANTONA, o poreznoj registraciji ponuđača, od 21.10.2002. godine, kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Uvjerenje izdato od Uprave za indirektno-neizravno oporezivanje broj 04/5-1/III-17-1-D-8000-323/05 od 11/11/2005 godine, o registraciji/upisu ponuđača u Jedinstveni registar obveznika indirektnih poreza, kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Rješenje Agencije za lijekove i medicinska sredstva BiH, broj: 10-07.12-5-2909-1/19 od 08.04.2019. godine kojim se ponuđaču odobrava obavljanje djelatnosti prometa lijekova na veliko, koje je izdato na period od 5 godina, zaključno sa danom 07.04.2024. godine, kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Rješenje Agencije za lijekove i medicinska sredstva BiH broj: 10-07.12-5-2909-5/19 od 03.11.2021. godine, o izmjeni Rješenja Agencije za lijekove i medicinska sredstva BiH broj: 10-07.12-5-2909-1/19 od 08.04.2019. godine (tačka 3.), kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Rješenje Agencije za lijekove i medicinska sredstva BiH, broj: 10-07.12-6-510-2/19 od 12.02.2019. godine o odobravanju obnove upisa ponuđača u Registar veleprometnika medicinskih sredstva, kopija potpisana i ovjerena od strane ovlaštene osobe ponuđača i ovjerena kod nadležnog organa dana 30.05.2022. godine
- Izjava o ispunjenosti uslova iz člana 47. stav (1) tačka od a) do d) i (4) ZJN BiH, **Prilog broj 4**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 20.06.2022. godine
- Potvrda izdata od NLB Banka d.d. Sarajevo, PC Mostar, broj: 0404-237/22 dana 20.06.2022. godine, da je glavni račun ponuđača solventan i nije blokiran, original dokument
- Rješenje Agencije za lijekove i medicinska sredstva BiH broj: 04-07.3-2-7262/18 od 17.05.2019. godine, kojim se dozvoljava, u obnovljenom postupku, stavljanje u promet gotovog lijeka, sa rokom važenja dozvole od 30.03.2019. godine do 29.03.2024. godine, kopija potpisana i ovjerena od strane ovlaštene osobe ponuđača



- Rješenje Agencije za lijekove i medicinska sredstva BiH broj: 04-07.3-2-7263/18 od 17.05.2019. godine, kojim se dozvoljava, u obnovljenom postupku, stavljanje u promet gotovog lijeka, sa rokom važenja dozvole od 30.03.2019. godine do 29.03.2024. godine, kopija potpisana i ovjerena od strane ovlaštene osobe ponuđača
- Rješenje Agencije za lijekove i medicinska sredstva BiH broj: 04-07.3-2-7264/18 od 17.05.2019. godine, kojim se dozvoljava, u obnovljenom postupku, stavljanje u promet gotovog lijeka, sa rokom važenja dozvole od 30.03.2019. godine do 29.03.2024. godine, kopija potpisana i ovjerena od strane ovlaštene osobe ponuđača
- Autorizacija za ponuđača izdata od PHARMACOL International d.o.o. Banja Luka, broj 01-31/22 dana 08.06.2022. godine, da može nastupiti na tender za predmetnu javnu nabavku
- Izjave ponuđača o uslovima isporuke:
  - izjava ponuđača o prihvatanju roka plaćanja, da će se plaćanje za isporučenu robu vršiti bezavanso u roku od 60 (šezdeset) dana od dana prijema fakture na protokol ugovornog organa
  - Izjava ponuđača da se isporuka roba vrši prema potrebama ugovornog organa, započevši najranije nakon potpisivanja okvirnog sporazuma i vrši se najkasnije u roku od 7 (sedam) dana od dana slanja elektronske narudžbe ugovornog organa
  - Izjava ponuđača o mjestu isporuke- JU Kantonalna bolnica Zenica-Bolnička apoteka
  - Izjava ponuđača da će kao izabrani ponuđač u roku od 5 (pet) dana od dana izvršene e-aukcije, Ugovornom organu dostaviti umanjene cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije
  - Izjava ponuđača da prihvata elektronsku korespodenciju sa ugovornim organom
  - Izjava ponuđača da će naručioca snabdijevati robom registrovanom kod Agencije za lijekove i medicinska sredstva BiH, u svemu prema datoj ponudi uvijek istog i provjerenog kvaliteta sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima
  - Izjava ponuđača da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude, u WORD DOCUMENT
  - Izjava ponuđača da je rok važenja ponude 120 (stodvadeset) dana u skladu sa tačkom 22. TD
  - Izjava ponuđača o nepromjenjivosti cijena za vrijeme trajanja okvirnog sporazuma
  - Izjava ponuđača da će dostaviti robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude
- Izjava ponuđača da odobrava bezavansno plaćanje u roku od 60 dana od dana izdavanja računa, potpisana i ovjerena od strane ovlaštene osobe ponuđača
- Izjava ponuđača da će se robe isporučivati nakon potpisivanja okvirnog sporazuma i vrši najkasnije u roku od 7 /sedam/ dana od dana slanja narudžbe ugovornog organa, u skladu sa tačkom 11. TD, potpisana i ovjerena od strane ovlaštene osobe ponuđača
- Izjava ponuđača da je mjesto isporuke roba JU Kantonalna bolnica Zenica, Bolnička apoteka, Crkvice 67, 72000 Zenica, potpisana i ovjerena od strane ovlaštene osobe ponuđača
- Izjava ponuđača da će kao izabrani ponuđač u roku od 5 (pet) dana od dana izvršene e-aukcije, Ugovornom organu dostaviti umanjene cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije, potpisana i ovjerena od strane ovlaštene osobe ponuđača
- Izjava ponuđača da prihvata elektronsku korespodenciju sa ugovornim organom, potpisana i ovjerena od strane ovlaštene osobe ponuđača
- Izjava ponuđača da će naručioca snabdijevati robom registrovanom kod Agencije za lijekove i medicinska sredstva BiH, u svemu prema datoj ponudi, uvijek istog i provjerenog kvaliteta, sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja robe, potpisana i ovjerena od strane ovlaštene osobe ponuđača
- Izjava ponuđača da će nakon odluke izbora na službeni mail ugovornog organa dostaviti elektronski popunjen obrazac za cijenu ponude, u WORD DOCUMENT, Prilog broj 2, potpisana i ovjerena od strane ovlaštene osobe ponuđača
- Izjava ponuđača da je važenje ponude 120 dana, računajući od isteka roka za dostavljanje ponude, potpisana i ovjerena od strane ovlaštene osobe ponuđača
- Izjava ponuđača da se za vrijeme Ugovora neće mijenjati cijene, potpisana i ovjerena od strane ovlaštene osobe ponuđača
- Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude, potpisana i ovjerena od strane ovlaštene osobe ponuđača
- Pismena izjava iz člana 52. Zakona o javnim nabavkama, **Prilog broj 5**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 20.06.2022. godine
- Obrazac za povjerljive informacije, **Prilog broj 6**, potpisan i ovjeren od strane ovlaštene osobe ponuđača

- Obrazac izjave o prihvatanju općih i posebnih uslova tenderske dokumentacije, **Prilog broj 7**, popunjen, potpisan i ovjeren od strane ovlaštene osobe ponuđača
- Nacrt okvirnog sporazuma, **Prilog broj 8**, popunjen, potpisan i ovjeren od strane ovlaštene osobe ponuđača
- Izjava ponuđača da će izdati garanciju za uredno izvršenje posla 10% vrijednosti nakon potpisivanja ugovora, potpisana i ovjerena od strane ovlaštene osobe ponuđača
- Forma garancije za uredno izvršenje okvirnog sporazuma, **Prilog broj 10**, potpisana i ovjerena od strane ovlaštene osobe ponuđača
- 1 kopija ponude

Analizom ponude ponuđača „HERCEGOVINALIJEK“ D.O.O. MOSTAR, Komisija koja provodi predmetnu javnu nabavku robe: **Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke, uz namjeru provođenja e-aukcije, tender broj: 11-58/22)**, utvrdila je da je dostavljena ponuda uvezana i numerisana na način propisan TD, da je ponuđač dostavio „ORIGINAL“ i „KOPIJU“ ponude kako je traženo TD u skladu sa tačkom 14.TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „HERCEGOVINALIJEK“ D.O.O. MOSTAR, ispunjava uslove u pogledu:

- lične sposobnosti ponuđača iz člana 45. ZJN BiH, u skladu sa tačkom 12.1. TD,
- profesionalne djelatnosti ponuđača iz člana 46. ZJN BiH, u skladu sa tačkom 12.2. TD,
- ekonomsko-finansijske sposobnosti ponuđača iz član 47. ZJN BiH, u skladu sa tačkom 12.3. TD,
- tehničke i profesionalne sposobnosti ponuđača, iz člana 48. i 49. ZJN BiH, u skladu sa tačkom 12.4. TD,
- te dostavio sve tražene izjave ponuđača u skladu sa tačkom 12.5. TD, koje čine sastavni dio ponude.

Komisija konstatuje da je ponuđač „HERCEGOVINALIJEK“ D.O.O. MOSTAR kao sastavni dio ponude dostavio u originalu ili uredno ovjerenu dokumentaciju i to: iz člana 46. ZJN BiH u skladu sa tačkom 12.2.TD, iz člana 47. ZJN BiH u skladu sa tačkom 12.3.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti neće biti dužan dostaviti navedenu dokumentaciju u originalu ili ovjerenoj kopiji ponovo.

Komisija konstatuje da je ponuđač „HERCEGOVINALIJEK“ D.O.O. MOSTAR kao sastavni dio nije ponude dostavio u originalu ili uredno ovjerenu dokumentaciju i to: iz člana 45. ZJN BiH u skladu sa tačkom 12.1.TD, te u slučaju da navedeni ponuđač bude odabran Odlukom o izboru najpovoljnijeg ponuđača isti će biti dužan dostaviti navedenu dokumentaciju u originalu ili ovjerenoj kopiji u roku od 7 (sedam) dana od dana zaprimanja obavještenja o rezultatima ovog postupka javne nabavke, u suprotnom smatraće se da je odustao od svoje ponude.

Komisija konstatuje da ponuda ponuđača „HERCEGOVINALIJEK“ D.O.O. MOSTAR ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD, a ponudena su registrovana medicinska sredstva.

Prema svemu gore navedenom ponuda ponuđača „HERCEGOVINALIJEK“ D.O.O. MOSTAR u predmetu nabavke robe: **Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke, uz namjeru provođenja e-aukcije, tender broj: 11-58/22)**, u cjelosti ispunjava uslove postavljene u TD i kao takva prihvatljiva je ugovornom organu u cjelosti.

Nakon toga prišlo se na ocjenu ponude u skladu sa utvrdjenim kriterijima.

U tenderskoj dokumentaciji za nabavku robe: **Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (otvoreni postupak javne nabavke, uz namjeru provođenja e-aukcije, tender broj: 11-58/22)**, JRN oznaka predmeta nabavke: 33000000-0 Medicinske naprave, lijekovi i proizvodi za osobnu njegu, ukupna vrijednost nabavke iznosi 117.750,00 KM (bez PDV-a) na dvogodišnjem nivou.

Kriteriji za dodjelu ugovora je: a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Komisija je izvršila vrednovanje ponuda kako slijedi:

U predmetnom postupku ponudu su dostavila 2 (dva) ponuđača, i to ponuđači: „FARMACIJA 2011“ D.O.O. Bihać i „HERCEGOVINALIJEK“ d.o.o. Mostar, a ponudena su registrovana medicinska sredstva, od strane oba

ponuđača. Obzirom da je nakon provjere kvalificiranosti ponuđača utvrđeno da samo 2 (dva) ponuđača ispunjava sve zahtjeve iz TD, odnosno da imaju **2 (dvije)** prihvatljive ponude, čime su se stekli uslovi za provođenje e-aukcije.

Komisija je zakazala e-aukciju na dan **16.09.2022.** god. u **09,00** sati, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

Na e-aukciju su pozvani kvalifikovani kandidati, sa početnim cijenama navedenim u tabeli:

RED.BR. PONUDE	PONUĐAČ	Registrovano medicinsko sredstvo: Da/Ne	CIJENA u KM, bez PDV-a
1.	„HERCEGOVINALIJEK“ d.o.o. Mostar	Da	117.720,00
2.	„FARMACIJA 2011“ d.o.o. Bihać	Da	114.799,20

Nakon E-aukcije koja je provedena 16.09.2022. god. u periodu od 09,00 sati do 10,20 sati, putem portala e-nabavke preuzet je Izvještaj o toku i završetku e-aukcije koji sadržava konačnu rang listu ponuđača koji su učestvovali u e-aukciji kako slijedi:

RED. BR. PONUDE	PONUĐAČ	CIJENA u KM, bez PDV-a	RANG
1.	„HERCEGOVINALIJEK“ d.o.o. Mostar	51.860,00	<b>1</b>
2.	„FARMACIJA 2011“ d.o.o. Bihać	51.980,00	<b>2</b>

Cijena ponude najpovoljnijeg ponuđača nakon provedene e-aukcije je snižena sa 117.720,00 KM na 51.860,00 KM, odnosno niža je za 65.860,00 KM ili **55,95 %** u odnosu na početnu ponudu.

Cijena ponude drugorangiranog ponuđača nakon provedene e-aukcije je snižena sa 114.799,20 KM na 51.980,00 KM, odnosno niža je za 62.819,20 KM ili **54,72 %** u odnosu na početnu ponudu.

Procijenjena vrijednost nabavke je **117.750,00 KM** bez PDV-a.


Nakon provedene e-aukcije, Komisija jednoglasno donosi odluku da se direktoru predloži odabir ponude ponuđača „HERCEGOVINALIJEK“ d.o.o. Mostar kao najpovoljnijeg ponuđača za nabavku roba **Kontrastna sredstva za MRI-gadoterična kiselina za potrebe JU Kantonalna bolnica Zenica na period od 2 (dvije) godine (broj nabavke: 11-58/22)**, za, uz zaključivanje okvirnog sporazuma na period od 2 (dvije) godine na ukupnu vrijednost ponude u visini od **51.860,00 KM** bez PDV-a.

U cilju olakšavanja i adekvatnog praćenja realizacije predmetne nabavke Komisija će pozvati najpovoljnijeg ponuđača da dostavi novi obrazac za cijenu ponude, čija će ukupna cijena, kao jedinična cijena po stavkama biti umanjena za **55,95 %** (procenat za koji je snižena cijena u e-aukciji), kako bi obrazac za cijenu ponude, koji je sastavni dio ugovora, bio usklađen sa postignutom cijenom nakon provedene e-aukcije.

Na osnovu gore navedenog, donesena je odluka kao u dispozitivu.

**Pouka o pravnom lijeku:**

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.



Direktor  
Prof.dr.sc prim Rasim Skomorac

*[Handwritten signature]*  
*[Handwritten signature]*

